



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 21. Præcipui Jansenianæ factionis Antesignani in carceres conjecti.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Cramer posteritati sacravit disputatio-
nem de ubi *Angelorum*, de promissioni-
bus vitæ æternæ in V. T. de syllogis-
mo Christi in Joan. VIII. v. 47. de
caussis & mediis propagatæ Mahome-
tanæ religionis, & de vocatione Mes-
siæ ad Sacerdotium. III. Andreas
Kühn publici juris fecit dissertationes
de jure Dei in creaturas, de ordine
Divinorum decretorum, de origine
schismatis contra Walenburchios, vin-
dicias pacis Religiosæ, discretum Ca-
tholicum autocatacritum, Cuneum
contra cuneum, tractatus de mystico-
rum quietismo contemplativo, de con-
cordia Ecclesiastica, de puncto & mo-
mento discrepantiæ inter Lutheranos
& reformatos, præter alia quædam
IV. David Caspari elucubravit Colle-
gium ethicum & Politicum, necnon
varias disputationes.

§. XXI.

*Præcipui Jansenianæ factionis An-
tesignani in carceres coniecti.*

Annus hujus sæculi tertium Janse-
nianæ factionis Antesignani oppido
sibi funestum habebant: Jam dudum
Paschasius Quesnellus Berulliani Ora-
torii Presbyter, Gabriel Gerberonus
Benedictinus Congregationis S. Mauri

*Causa
Quesnell.
p. VII.*

Sæc. XVII. & Arnoldus Josephus Brigodæus Presbyter sæcularis Bruxellis in quadam æde delitescabant, quorum primi duo e suis latebris contra Pontificum, ac Præsulum Constitutiones & decreta quamplurimos libellos ac scripta publici juris fecerunt, suisque captiosis commentis universam Franciam, Belgiumque inundarunt, quamvis ejusmodi librorum potissimi Romæ, in Gallia & Belgio damnati, plures etiam per carnificem igni addicti fuissent: ne ergo tot libellorum Zizania agrum Domini cum penitus devastarent, præter Franciæ Præsules præcipue Humbertus a Præcipiano Mechliniensis Archiepiscopus denuo nocivos hosce libellos Diœcesi suæ interdixit, alios Romam apud S. Congregationes anno priori denunciavit, & iterato querelas suas contra effrænem & petulantem ejusmodi scribillatorum licentiam in sinum summorum Pontificum effudit: cum autem paternæ hæ admonitiones, Pastorales curæ, & leniora Sedis Apostolicæ remedia nihil proficerent, atque Quesnellus, & Gerberonus, etsi desuper apud summum Pontificem delati fuissent, cum apertis Jansenistis commercium foverent, & per Brigodæum ab universitate Lovaniensi jamjam proscriptum integras ejusmodi librorum sarcinas

cinas per universam pene Europam Sæc. XVII.
 non sine maximo fidelium damno & A. C. 1703.
 offensione disseminarent, Mechliniensis
 Archiepiscopus severiora remedia ad-
 hibere compulsus, tres hosce infamium
 scriptorum Auctores in Palatio Archi-
 episcopali captos detineri jussit, edito
 desuper decreto, cujus executio ut
 validior, certiorque esset, Archiepi-
 scopus Philippi V. Hispaniarum Regis
 opem implorabat. Hic ergo pro avita
 sua pietate, ac Religionis studio ad red-
 dendam Ecclesiæ & patriæ tranquillitatem
 & præcavendam animarum rui-
 nam mandatum plane efficax propria
 sua manu exaratum ad Marchionem
 de Bedmar Belgii Governatorem ex-
 pedivit, eidem injungens, ut omnes
 tres turbarum Auctores comprehendi
 curaret. Dies illuxerat decima Mensis
 Maij, qua Gerberonus in Urbe sub ficto
 nomine & laica veste latitans, Archi-
 episcopali custodiæ primus mancipaba-
 tur: Die autem trigesima ejusdem Men-
 sis satellites ad Forestense, ut vocant,
 Refugium, cujus posterius, abditumque
 cubiculum Quesnellus ultra annum in-
 coluerat, contendunt, foresque pul-
 sant: aperit ostium Brigodæus, sci-
 scitantur Satellites, ubinam esset Pater
 Quesnell? Brigodæus tamen illud in-
 dicare renuens, cunctaque cubicula

Sæc. XVII. aperire jussus tantos excitavit clamores
 A. C. 1703. ac strepitus, ut Quesnellus, quid re-
 rum agatur, certior redditus, evadendi
 spatium nancisceretur, laicamque ve-
 stem indutus, per occultas ejusdem
 domus vias ad proximas ædes feliciter
 perveniret, nemine eum præter caute-
 riatæ conscientiæ carnificem insequente,
 Paulopost Regios satellites jamjam
 abiisse ratus, ut epistolas, aliaque
 scripta sibi, suisque maxime nocitura
 auferre posset, per easdem vias ad re-
 fugii sui locum eo temporis articulo
 reversus est, quo Brigodæus ad Archi-
 episcopales carceres captus abduceba-
 tur: Attamen ibi præter omnem ex-
 pectationem Quesnellus Curia Archi-
 episcopalis Ministros, qui illic reman-
 serant, obvios habuit; mox ergo huc
 illucque discurrens, locum, in quo sese
 justitiæ posset subducere, anxie exqui-
 rit, lucisque timidus tandem in tene-
 broso angulo retro quoddam dolium
 sese abscondit: inde vero extractus,
 atque a Ministris interrogatus, an ipse
 esset P. Quesnellus reposuit, se vocari
 Rebeckium, & quantumcunque pre-
 meretur, ut verum patefaceret nomen
 suum, non aliud tamen quam fictum
 illud nomen ab eo extundi poterat;
 nihilominus rhedam conscendere jussus,
 ad Archiepiscopale Palatium deduce-
 batur.

§. XXII.